

渭南文集卷第一

山陰陸游

綫裝書局

表

天申節賀表

化國之日舒以長運肇年齡之盛天子有父
尊之至心均萬寓之驩敢即昌期虔申壽祝
中賀恭惟太任繼愈署簽



宋集珍本叢刊

第九十九册

四川大學古籍整理研究所 編

儒藏系列

宋集珍本叢刊

第九十九冊

任繼愈署簽



綫裝書局

中國·北京二〇〇四年

第九十九冊目錄

聖宋名賢五百家播芳大全文粹(續)	魏齊賢、葉棻		一	
聖宋名賢五百家播芳大全文粹	傳增湘藏校清鈔本	魏齊賢、葉棻		一一
				一三

聖宋名賢五百家播芳大全文粹卷百三十四

祭文

祭司馬溫公

蘇子瞻

元豐之末天步艱維社稷之衛中外所屬惟是一老
屏于一人名高當世行滿天下措國於太山之安下
令於流水之源歲月未見綱紀畧定天若相之又復
奪之殄瘁之哀古今所共知之者神考用之者聖母
馴致其道太平可期長為宗臣以表後世往奠其塋

聖宋名賢五百家播芳大全文粹

卷一百三十四

一

宋集珍
本叢刊

庶知予懷

祭司馬溫公

蘇子瞻

左僕射贈太師溫公之靈嗚呼百世一人千載一時
惟時與人鮮偶常奇公事仁宗百未一施獨發大議
唯天我知厚陵之初先事而規帝欲得民一尊元私
母子之間莫如孝慈人所難言我則易之神宗知公
敬如蒼龜專設仁義輔以書詩枉尺直尋觀公少卑
公曰天子舜禹之姿我若言利非天誰欺退居于洛

四海是儀化及豚魚名聞乳兒二聖見公曰子得師
付以衡石惟公所為公亦何為視民所宜有莠則鋤

有疾則醫問疾所生師老兵疲和我上策決用無疑
此計一定太平可基譬如農夫既闢既耨投種未粒
刈穫而炊賓客滿門公以疾辭不見十日外哭其惟
天為兩泣路人垂淚畫像于家飲食必祠矧我衆僚
左右疇咨共載一舟喪其楫維終天之訣寧復來思
歌此奠章以侑一卮

聖宋名賢五百家播芳大全文粹

卷一百三十四

二

宋集珍
本叢刊

祭韓忠獻公文

司馬君實

惟公仁義忠厚得之自然所施所履命世之賢冠登
甲科聲名四傳聯輝冊府表蹕英躋回翔諫署風節
孤鶩擢升法從壯觀近班賊吳叛命西領中權經畫
應禦勤勞有年戎醜來庭延登樞府道德之俊同時
入輔室姦塞邪剗弊除蠹謗言陰搖分符以出中山
大齒太行東西連開戎府彈壓羌夷天聲百里雷動
神馳帝恩熱舊召還廟堂惟惟論道海寓樂康仁廟

晚年少陽虛位天下大本未有所繫公常深念圖建
冢嗣引古盡言山岳其意忘身忘家無所顧避聖心
感悟遂定大計合天符人英廟主器夷夏歡呼聲震
天地千艱萬險公若平易六龍飛天帖無一事俄膺
顧命今上嗣政永厚復土力辭大柄得殿本邦均休
遂性未離闕庭西陲微擾天子詔公改帥咸鎬義不
辭難受命戒道事寧求還優守鄉閭至始閏月又遷
魏都時議者建青苗之令出錢取息始惠終病抗疏

聖宋名賢五百家播芳大全文粹

卷一百三十四

三

宋集珍
本叢刊

論列辭嚴義正夫子動容賢路交慶田見交涼復臨
安陽燦燦錦衣煌煌綉裳願上印綬十拜封章宸眷
深厚未頒俞旨遽嘆逝川莫仲素忘嗚呼哀哉自公
之薨城邑田里老壯童幼咨嗟涕泗非德感人孰能
如是位居將相殆將二紀萬鍾之祿隨得隨施姻親
僑客賴公以濟蓋棺之日所餘無幾清白之風照曜
來世某之推愚少有倫比久忝賓從納顧特異朝教
暮誨意均子弟粗有成立皆公之賜撫膺長號肝鬲

將毀奠以叙哀痛元窮已英靈不昧敢冀歆此

祭范文正公

王介甫

我公一世之師由初迄終名節無疵明肅之盛身危
志殖瑤華失位又隨以斥治功垂聞尹帝之都閑姦
興良稚子歌呼赫赫之家萬首俯超獨絕其私以走
江湖士爭留公蹈蹇不慄有危其辭竭與俱出風俗
之衰駭正怡邪憂憂我初人以疑嗟力行不回慕者
興起儒先苗苗以節相侈公之在貶愈勇為忠稽前

聖宋名賢五百家播芳大全文粹

卷一百三十四

四

宋集珍
本叢刊

引古詛不營躬外更三洲施有餘澤如醲河江以灌
尋尺宿賦自解不以刑加猾盜涵仁終老无邪講藝
弦歌慕來千里溝川障澤田桑有喜戎孽擗狂敢騎
我疆鑄印刻符公屏一方取將於伍后常名顯牧士
至佐維邦之彥聲之所加虜不敢瀕以其餘威走敵
完鄰昔也始至瘡痍滿道藥之養之内外完好既其
無為飲酒笑歌百城晏眠吏士委蛇上加曰材以副
樞密稽首辭讓至于六七遂參宰相釐我典常扶賢

贊傑亂冗除荒官更於朝士變於卿百治其脩偷墮
勉彊彼闕不遂歸則帝側卒屏于外身屯道塞謂宜
耆老尚有以為神乎孰忍使至於斯蓋公之才猶不
盡世試肆其經綸功孰與計自公之貴廩庫逾空夷
其辭色傲訐以容化于婦妾不靡珠玉翼翼公子樊
綈惡栗閔死憐窮惟是之奢孤女以嫁男成厥家孰
埤于深孰缺乎厚其傳甚詳以法永久碩人今亡邦
國之憂矧鄙不肖辱公知尤承山萬里不往而留涕

聖宋名賢五百家播芳大全文粹

卷一百三十四

五

宋集珍
本叢刊

哭駝辭以贊醒羞

徐呂申公文

程養正

公稟則異得天之粹邁茲昌辰出為嘉瑞生而富貴
處之無累幼而聰明充之能至學既知真仕則為道
出入屢更險夷一操二聖臨御人望是從起藩入輔
命相冊公平日視公靜然恂恂國論所斷一言萬鈞
謂公無位位為相臣謂公得志志存未伸然公心如
權衡所以無間言於率土德如山岳所以致敬心於

人主從容語默之間人孰量其所補胡上天之不弔
不一老之慙遺淵水無涯將孰求於攸濟百身莫贖
為有識之同悲嗚呼哀哉羸老餘生辱知有素二男
論忘執之交不偶元酬知之路但臨穴以伸哀姑託
文披而露想英靈兮如在鑒丹誠而來顧

祭歐陽文忠公

王介甫

夫事有人力之可致猶不可期況乎天理之冥漠又
安可得而推惟公生有聞於當時死有傳於後世苟

聖宋名賢五百家播芳大全文粹

卷一百三十四

六

宋集珍
本叢刊

能如此足矣而亦又何悲如公器質之深厚智識之
高遠而輔學術之精微故形於文章見於議論豪健
俊偉怪巧瑰琦其積於中者浩如江河之停蓄其發
於外者爛如日星之光輝其清音幽韻淒如飄風急
雨之驟至其雄辭宏辯快如輕車駿馬之奔馳世之
學者元問乎識與不識而讀其文則其人可知嗚呼
自公仕宦四十年上下往返感世路之崎嶇雖逆遭
困躋竄斥流離而終不可掩者以其公議之是非既

壑復起遂顯于世果敢之氣剛正之節至晚而不衰
方仁宗皇帝臨朝之末年顧念後事謂如公者可寄
以社稷之安危及夫發謀決策從容指顧立定大計
謂千載而一時功名成就不居而去其出處進退又
庶乎英魂靈氣不隨異物腐敗而長在乎箕山之側
與潁水之湄然天下之无賢不肖且猶為涕泣而歎
歎而況朝士大夫平昔遊從又予心之所嚮慕而瞻
依嗚呼盛衰興廢之理自古如此而臨風想望不能

聖宋名賢五百家播芳大全文粹

卷一百三十四

七

宋集珍
本叢刊

忘情者念公之不可復見而其誰與歸

祭歐陽文忠公

曾子固

惟公學為儒宗材不世出文章逸發醇深炳蔚躋備
韓馬思兼莊屈垂光簡編焯若星日絕去刀尺渾然
天質詞窮卷盡含意未卒讀者心醒開蒙愈疾當代
一人顧無倚匹諫垣抗議氣震回過鼓行無前跋扈
非恤世偽難勝孤堅竟窻紫微玉堂獨當大筆五典
三謨生明藏室頓挫彌厲誠純志一斟酌損益論思

得失經軀慮萌沃心造膝帝曰汝賢引登輔弼公在
廟堂尊明道術清淨簡易仁民愛物欽不煩苛令无
迫猝棲置木索里安户選積欽兵革天清地謐日進
昌言從容密勿開建國本情忠力悉殫未之歲龍駕
馳歟再極大艱垂紳束笏乾坤正位上下有秩功被
社稷等夷召畢公在廟堂總持紀律一用公直兩忘
猜昵不挾朋比不虞訕嫉獨立不回其剛屹屹愛養
人材獎成誘掖甄拔寒素振興滯屈以為已德无有

聖宋名賢五百家播芳大全文粹

卷一百三十四

八

宋集珍
本叢刊

廢弗惟公平生豈弟忠實外內洞徹初終若一年始
六十懸綈冕散連章累歲乃俞所乞於意邱樊脫遺
羈弗沉浸圖史左右琴瑟氣志浩然不陋蓬華意謂
百齡重休累吉還幹鼎軸贊微計密云胡傾殂愍遺
則弗聞計失聲背淚橫溢奄冥不敏早蒙振拔言由
公誨行由公率戴德不酬懷情獨鬱西望轎車莫持
紉紉惟公聲聲德義謨述為後世法終天不沒託詞
叙心曷能罄辭

祭歐陽文忠公

陳無已

祭尚德而報功三代以來共之賴故有學而置師弟子員講試如法蓋自公始賴之為州尚矣而良士大夫生而善其俗歿而祭于學亦莫宜于公惟公翼亮三聖出入十年建明大策以康社稷是宜配食清廟而弦歌之豈特稱一邦而慰一鄉之思哉師道承命為夷有列于學授事之初敬修故事

祭杜祁公文

歐陽永叔

聖宋名賢五百家播芳大全文粹

卷一百三十四

十九

宋集珍
本叢刊

士之進顯於榮祿者莫不欲安享於豐腴公為輔弼飲食起居如陋巷之士環堵之儒他人不堪公處愉愉士之退老而歸休者所以私自放於閑適公居于家心在于國思慮精深言辭感激或達旦不寐或憂形于色如在朝廷而有官責嗚呼進不知富貴之為樂退不忘天下以為心故行于己者老益篤而信於人者久愈深人之愛公寧有厭已壽胡不多八十而止自公之喪道路嗟咨況于愚鄙久辱公知繫官在

朝心性神馳送不臨穴哭不望惟衡詞寫恨有涕泗

祭張魏公文代

呂伯恭

鼎分三極中貫至誠扶世違俗經坐緯明北北面龐臣鴻弼候臯候夔候旦候與前授後承皆原於一降秦迄唐中間幾息既極乃通是開魏公有遠其傳有統其宗匪符匪節匪券而同厥初事親自誠而孝基德寢門參騫是蹈肆其事君自誠而忠四朝一心本始未終昔在建炎為國馳驚蠹賊內訌將侵天路廼

聖宋名賢五百家播芳大全文粹

卷一百三十四

十

宋集珍
本叢刊

義其旗號囊去羽檣彼妖焰萬河並注掃除黃道手扶日馭勾陳太微莫不順序始命樞極再命台衡柄是文武內拊外征我兩我露我雷我霆煙起蟻屯隨指而平區脫之首種堯之渠成名所加失戈墮車既其無為里忻戶愉羣獻具來翼帝之圖孰枕其成放迹江湖已貴不賤已豐不約零陵之居常布所愕披剝萬象獨全至樂身外鷺臺夢中麟閣戎馬飲江奪公間燕巨穀高幢陪都是殿大人繼明登我元臣爾

哀爾鉞坏冶載新嘆日語難熊羆虎聞公之升屯
歌壘舞野耕肆商秀眉垂管聞公之升連手嬉遊北
邊有興馮牙祭轟志之所期欲无遐徽挈輿地圖還
之清廟炯炯丹衷日月所照帝憫公勞佚以殊廷歆
騎箕尾上比列星殄瘁之悲萬方同升某頃以屏陋
遠成邊城敵情叵測民力弗勝條利害病狂言屢興
朝如暮應是獎是稱籌恩權惠邱山猶輕几几赤烏
庶幾快覩未日德輝已耳凶訃痛舟西還飛旆南去

聖宋名賢五百家播芳大全文粹

卷一百三十四

十一

宋集珍
本叢刊

隻難升酒莫展情素公視死生猶旦與暮一氣隘開
新新故故然反造物冒此下土我獨何為淩落彫俎

祭張魏公文

王龜齡

惟公學造明誠才全文武忠孝根於天性節操貫乎
歲寒社稷之功最高親當取日君父之讐未復誓不
共天二十年見斥權臣五百載重逢聖主夷狄服汾
陽威德兒童知司馬姓名意者天必相之嗟乎命何
止此方渡江而擊楫遽樂聖以銜盃宣室興思蒼生

望起雖曰閉門絕粒不忘憂國愛君中山功未及成
謾謗之書盈篋武侯死有遺恨英雄之淚滿襟一老
不遺百身莫贖某濫此假守驚聞訃音忍覲絕筆之
銘愧阻臨棺之奠嗟吾道之窮已甚非夫人之慟而
誰

祭范蜀公文

蘇子瞻

仁宗在位四十二年睦而種之有得皆賢既歷三世
悉為名臣今如晨星存者幾人孰如我公碩大光明

聖宋名賢五百家播芳大全文粹

卷一百三十四

十二

宋集珍
本叢刊

導日而升燦焉長庚死生契濶公獨壽考天實者之
以殿諸老二聖嗣位仁義是施公昔所言畧行无遺
維樂未和公寢不寧樂成而薨公往則瞑凡百君子
願公无極胡不萬年以重王國責難之忠愛莫助之
嗟我後來誰復似之吾先君子秉德不耀與公弟兄
一日之少窮達不齊歎則无間先友盡矣我已白髮
聞公之喪方食哽噎堂堂我公豈其云亡望公凜然
猶舉我觴

祭文清曾公文代

呂伯恭

嗚呼邈邱壑之韻者身清而命未必厚鴻臚鼎之勛者命厚而身未必清判兩塗而分鶩猶參商與渭涇著香山之退傳遺簪組而沉冥澹淵風而昨月陶至樂於林垞蹇降命之多奇屢哭場於顏齡若汾陽之元老庇九族以咸寧驅總總而掃迹紛角羈而志名極二紀之豪華醉世味而未醒蓋已其至清則厚福不得而多取居其至厚則清趣不可以力爭惟大人

聖宋名賢五百家播芳大全文粹

卷一百三十四

十三

宋集珍
本叢刊

之所厚合內外而俱亨遠紫索而却蒲輪頽然天放者既壽物外之樂道板輿而奉鳩杖雖然色養者又擅區中之榮等之香山則無慘戚植之汾陽則未嘗滿盈全古人之未全曠千載其難并乘至余而反真夫何憾於泉扃然而墜一世之師表奪四朝之典刑涸洙泗之淵源絕風騷之統盟繫人與墨客胥實涕而失聲眇孤生之孱陋風受知於門庭輩子姪以拊育迨衰弱之星星歸印綬以盡哀迨科法之見絕傳

壺觴而往酌隨淚河之東傾

祭忠簡趙公文代

維四年冬十有一月哉生明越二日子戌左奉議郎植發衢州某祇事之初敬遣左迪功郎常山尉周嶧以卮酒梓餐致祭于故丞相忠簡趙公之靈惟公高風懿範照映今昔下自管葛所在不數中造謗遂以卒于死卒至行路為公出涕不三十年是非一定中興名相一變而已有來假守敢言尚德南望楸梧去

聖宋名賢五百家播芳大全文粹

卷一百三十四

十四

宋集珍
本叢刊

我百里官箴有常莫克敬告歸心典刑有如卮酒

祭忠簡趙公文代

維五年冬十有一月哉生魄越翼日己巳左奉議郎植發遣衢州軍州事惜緋劉風敬遣同僚以卮酒梓餐致祭于故丞相忠簡趙公之靈古者愛其所憩之棠不忍其憔悴尋斧斤焉諸葛武侯異代名德環祠十里蒼夫芸婦望而不去不敢加寸及於元知之草木彼豈有德於後之人而感今懷昔慕義无窮如

是耶公道在海內如皦日殆有不約而然矧伊元德
相我中興有教有化有典有刑赫然朝廷號小元祐
而埋玉九原塋不以禮有司懼焉鳩工糴土增新葺
舊亦惟閱月乃克既事乃如獻賢尚德揭大誼以詔
頽俗古之人誠有不待下車而為之者此則夙冀敢
率禮之成走吏以告惟公其享之尚饗

祭寶學劉公文代

謹以淨香蔬食茶果之奠敢昭告于近故大檀越官

聖宋名賢五百家播芳大全文粹

卷一百三十四

十五

宋集珍
本叢刊

使寶學侍郎劉公之靈嗚呼我公遽至斯邪自昔大
賢之生於世或懷寶自珍而不屑於仕或仕而不獲
盡見於設施皆生民之不幸而遺後世之悲我公云
亡邦國殄瘁措紳大夫有識之士聞者孰不為墮淚
哽欬者乎惟公之生負甚厚遇藉之資儒學傳家忠
孝世濟而天之所賦尤為碩大瑰奇遭時艱難戎服
驅馳決策行營參畫西師功施社稷天下孰得而知
謂公當歸論道黃扉以輔中興成億萬齡之鴻基名

高舉忘投杼生疑剖符外補為國藩維而溫陵鎮江
之政吏畏其威民賴其慈碩後瞻前配公者誰百千
載猶將播風謠而流詠思也嗚呼我公才任樞樞知
併著龜義氣橫六合英聲聞四夷然試已而不獲究
其所蘊造化之意人又孰得而窺頃就閑而得請持
從橐而奉祠親庭戲綵綵芳相輝悟祝言之太夢契
栢子之妙機澹然忘懷與世娛嬉謂仁賢而必壽公
宜黃髮而期頤何一疾之不瘳而遽至斯耶某以愚

聖宋名賢五百家播芳大全文粹

卷一百三十四

十六

宋集珍
本叢刊

陋之質出入公門者二紀于茲嗟小識之窳啓譬螢
燭之甚微公獨眷之前挽後推荷獎拂之過情輒顏
厚而怛怛頃還故園蒲柳衰遲廬仙洲之谷分甘栽
田博飯而終身揆藁枉手書以見存延以拱辰之招
提隄先公忠顯之松楸環璇懷而壁題豈以道相索
於形骸之外而遂忘其病骨之支離辱威意之再三
欲避命以何辭悵從公之未幾忽夜壑之舟移万夫
莫贖哲人其萎念話言之在耳腸糾結而涕淚盈厥

塵境之濁濁凌紫清而騎尾箕而與世永違者乎疏
散香薷侑以哀詞唯我公不忘疇昔之好英風爽氣
傑然而不可沒者猶將鑒之也已乎尚饗

祭樞密劉公文

朱元晦

維淳熙五年歲次戊戌九月辛酉朔二十日庚辰從
表弟其位某敢以清酌庶羞奠于近故建康留守觀
文殿學士彭城劉公之靈嗚呼哀哉天胡付公以瑰
琦俊偉之才而不并假以耆耄耄期壽胡位公以樞

聖宋名賢五百家播芳大全文粹

卷一百三十四

十七

宋集珍
本叢刊

機藩屏之重而不遂早以彌綸輔贊之權使公名若
極富貴而无欲實則抱憂歎以終天此中外志義之
士所以聞公之薨皆失聲以相弔或雖未識公面而
亦不自知其涕泗之流連者也嗚呼哀哉惟公生有
異質早擢巍科退而自葆弗競弗諱屈首受書典學
于家內充其美外振厥華暨登王朝遂掌絲綸獻納
網繆訐謬密勿忤權觸要无所回屈帝眷弗渝試以
郡紱受鉞于南荆碩珪充婉孌赤子撫靡哀恫禮賢

勸學道和致堂報政三年那魯其風帝曰來歸本我
兵柄曾不幾時咨以大政公奮其庸帝虛以聽張璪
宏綱憲絕惜令道直身危突不暇點出臨兩鎮威煇
恩漸適嬉于堂適哭于苦恩詔起之有殊其瞻公以
弗承帝患其孝曰究汝哀來覲來教公言益切公守
不撓再撫于漳亦顯其效乃遷建鄴民病以饑公不
寢食坐起嗟咨方略既張惠術四施曾是流殍化為
充肥帝嘉乃勲加勞進律帝毗方深通告以疾忠無

聖宋名賢五百家播芳大全文粹

卷一百三十四

十八

宋集珍
本叢刊

隱情諫百道筆帝驚罷朝悼此良弼烏乎哀哉我以
孤童來託公家公不鄙我勸導有加公姿驚鵠我性
磨礪豈無異同卒莫疵瑕自公進為議論慷慨實始
期公高明光大公之知我亦晚而最道其永歸手札
告戒褒德撫孤古昔所難并以誨我我其敢安把書
長號涕隕闌干還坐以思慨其永歎念昔帝師為國
死義臣傳承之夷險一致屏山雖隱亦豈忘世公襲
其傳克廣元替眾咸謂公當訖外庸入贊皇極下登

庶工登賢屏姦復境振戎內繼祖考畢其餘忠天胡
難堪而止於此羣邪交慶衆正心死矧予之哀竊究
終始願言思公曷其有日嗚呼哀哉昔誦離騷舉公
觴兮今拜以哭酬公堂兮私情公議兩怛傷兮神靈
不昧尚克鑒予之哀腸兮嗚呼哀哉尚享

祭樞密劉公文

張欽夫

嗚呼哀哉六月甲子喪我元臣如其可贖何五百身
蓋積天下之望已久而聞天下之故已深其明決足

聖宋名賢五百家播芳大全文粹

卷一百三十四

十九

宋集珍
本叢刊

以斷謀於俄頃而剛毅足以任重於千鈞忠誠孚于
君心惠澤浹于斯民威名熠乎姦穴義概動乎三軍
使之坐廟堂之上固足以厭患於未形而置之排難
解紛之際不瑛施為已足以折衝於精神國虧柱石
人失典刑此有識之士所以為天下惜而至泣涕沾
巾者也嗚呼哀哉忠類之烈感乎幽明二鄉之中不
忘請纓公自壯歲念其家聲虜馬飲江危從時災國
有大政抗論前陳由斯而來蔚其直稱出而典州治

本重人及其分閭漢池思兵遂登紫樞以翼政經牧
網端本用尊朝廷凜然正色公言是仲復牧于藩所
至績聞揀荒之政近世莫倫旋觀設施靡藉靡替左
右且宜久而愈新江湖轍環幾老於行人望公歸帝
園厥廬豈不用公未極于成嗚呼哀哉夫子知我匪
契之云我之於公惟義是親相勉相厲期報吾君情
深義得同弟兄念言拜別乙未之春我車入南公
往江濱眷焉不舍語何諄諄豈期一濶而隔死生精

聖宋名賢五百家播芳大全文粹

卷一百三十四

二十

宋集珍
本叢刊

爽在日我言孰聽嗚呼哀哉義當奔走送公歸精屬
其拘學王事有程哭公家塾載遺此文禮雖不豐公
鑒其誠尚享

祭樞密劉公文

謹為位致祭于故留守觀文樞密劉公之靈惟公德
業孚于上下威望著于華夷宜東國鈞以輔明主天
不怒遺人之云亡風蒙公知尤重傷痛為位家塾慟
哭罵哀

祭樞密劉公文

嗚呼哀哉公之云亡既踰再時匪今之悲百年之恩故歲之冬始奉遺墨一見淚流繼之以哭墨淡行斜知公疲芥誦公之言則何始斯始云國耻抱恨九原勉予忠義以報吾君中言先公銘志未立豈無他人命予以筆未後繼書嗚弟及子嗟予何人乃託以死精爽在上耳聞公言願雖不武敢念勉稱銘詩脫草遽遣薦陳獨慚荒蕪曷詔不泯貽書平父期守公訓

聖宋名賢五百家播芳大全文粹

卷一百三十四

二十一

宋集珍本叢刊

告于二子固塋厥命惟元晦君實公所敬元求于外惟晦是聽公之息女當擇于歸願于雖遠願與聞之此公所命當以復公薄莫是將告于公宮

祭南軒先生文

朱元晦

嗚呼自孔孟之云遠聖學絕而莫繼得周翁與程子道乃抗而不墜然微言之輟響今未及乎百歲士各私其所聞已不勝其乖異嗟惟我之與兄昭志同而心契或面講而未窮又書傳而不置蓋有我之所是

而兄以為非亦有兄之所然而我之所議又有始所共向而終悟其偏亦有蚤所同擠而晚得其味蓋繳紛往反者幾十餘年末乃同歸而一致由是上而天道之微遠而聖言之秘近則進修之方大則行藏之義以兄之明固已洞照而無遺若我之愚亦幸竊窺其一二然兄奮木之故家而我衡茅之賤士兄高明而宏博我狹狹而迂滯故我常謂兄宜以是而行之當時兄亦謂我盍以是而傳之來裔蓋雖隱顯之或

聖宋名賢五百家播芳大全文粹

卷一百三十四

二十二

宋集珍本叢刊

殊實則交復而共濟不惟相知之甚審抑亦自靖而元愧嗚呼孰謂乃使兄終在外以違其心予亦見靡于斯而所願將不遂也政使得間以就其書足亦任左肱而失右臂也傷哉吾道之窮予復何心於此世也惟修身補過以畢餘年庶有以見兄於下地也聞兄之墓而不得臨獨南望長號以寄此酹也惟兄憐而鑒之尚陰有以輔予之志也尚享

祭南軒先生文

嗚呼敬夫遽弃予而死也耶我昔未道未獲其友蔽
莫予聞客莫予剖蓋自從公而觀于大業之規模察
彼羣言之紛糾於是相與切磋以充之而又相厲以
死守也丙戌之冬風雪南山解袂檣州今十五年公
試畿輔公翔禁省公牧于南我遊巖嶺頭晦迹心
莫與同書疏慙惻鬼神可通公尹江陵我官廬岳驛
騎相望音問逾數去臘之窮有來自西告我公疾手
書在携我觀于時神理或偕是疾雖微已足深念至

聖宋名賢五百家播芳大全文粹

卷一百三十四

二十三

宋集珍
本叢刊

遠問訊閏月而歸叩函發書數吒歡款時友曾子實
同我憂揮涕請行誼不忍留曾行未幾公計果至張
侯適來相向反袂嗚呼敬夫竟棄予而死也耶惟公
家傳忠孝學造精微外為軍民之所屬望內為學者
之所依歸治民以寬事君以敬正大光明表裏輝映
自我觀之非惟十駕之弗及蓋未必終日言而可盡
也矧聞公喪痛徹心膂絨詞寄哀不遑他語願聞公
之臨絕手遺疏以納忠召頌佐而興決屢符節而告

終蓋所謂得正而斃者又凜乎其有史魚之風此猶
足以為吾道而增氣抑又可以上悟於宸聰又聞公
於此時屬其弟以語予用斯文以為寄意懇懇以元
餘願何德以堪之然敢不竭其庸虛并矢詞以為報
尚精爽其鑒諸嗚呼哀哉

祭東萊先生文

維淳熙八年歲次辛丑九月中戌朔九日壬午友人
具位朱某謹以香茶雞酒奠于亡友伯恭呂兄直閣

聖宋名賢五百家播芳大全文粹

卷一百三十四

二十四

宋集珍
本叢刊

大著郎中之靈曰嗚呼哀哉天降割于斯文何其酷
耶往歲已奪吾敬夫今者伯恭胡為又至于不淑耶
道學將誰使之振君德將誰使之復後生將誰使之
誨斯民將誰使之福耶經說將誰使之繼事記將誰
使之續耶若我之愚則病將孰為之箴而過將孰為
之督耶然則伯恭之亡曷為而不使我失聲而驚呼
號天而慟哭耶嗚呼伯恭有蒼龜之智而處之若愚
有河漢之辨而守之若訥曾有雲夢之富而不自多

詞有舖敘之華而不易其出此固今人之所難而未
足以議兄之仿佛也君乃孝友絕人而勉勵如弗及
恬淡寡慾而持守不少懈盡言以納忠而羞為訐東
義以飭躬而耻為介則若古之君子尚或難之而吾
伯恭猶欲然而未肯以自大也蓋其德宇寬洪識量
閎廓既海納而淵澄宜澄清而撓濁矧涵濡於先訓
紹文獻於厥家又隆師而親友極探討之幽遐所以
稟之既厚而養之深取之既博而成之粹宜所立之

聖宋名賢五百家播芳大全文粹

卷一百三十四

二十五

宋集珍
本叢刊

甚高亦元求而不備故其講道於家則時雨之化進
位于朝則鴻羽之儀造辟誅謨則宣公獨御之對承
詔奏篇則左尹祈昭之詩上方虛心而聽納衆亦注
目其專施何造時之不遂遽縈疾而言歸慨一卧以
三年尚左圖而右書間道遙以曳杖悅沂上之風雪
衆咸喜其瘳無卒撫其素蘊不則傳道以著書抑亦
後來之程準何此望之難必奄一夕以長終增有邦
之珍瘁極吾黨之哀悃嗚呼哀哉我實元似兄序與

遊講摩深切情義綢繆粵前日之枉書尚粲然其首
筆始言沈痼之難除猶幸死期之未即中語簡編之
次第卒誇草樹之深幽謂昔騰賤而有約盡今命駕
以來遊欣此旨之可懷凜計車而偕至考日月之幾
何不旦暮之三四嗚呼伯恭而遽死耶吾道之衰乃
至此耶既為位以泄哀復緘辭以寓莫莫嗣歲之有
間上前言之可踐嗚呼尚饗

蔡東萊先生文

周必大

聖宋名賢五百家播芳大全文粹

卷一百三十四

二十六

宋集珍
本叢刊

嗚呼伯恭河嶽之英公卿之裔躬蹈五常心潛六藝
學富而醇文敏而處通今不流博古不泥高明之識
力去其蔽卓絕之行亦矜其細佗人有一自足名世
惟君兼之夫誰能僥倖蟬聯簪紱芥拾科第堂堂中
謂且能繼望心是嘉召真班綴成均博約館閣榮滯
南宮表章史制凡例主盟斯文每食忘濟世淫末疾
乘厥勞勩歸故毫祠可以自慰鑽堅仰高講習彌勵
曾不息點曾不補剝竟隕其生壽夭誰制萬斛之舟

江湖期濟觸石而傾未皇鼓柁千年之木梁棟可計
遇風而摧乃委薪桂才也何多命也何戾生徒滿門
相向雪涕措紳諸儒咸惜其逝矧伊鄙夫序在交契
姓不同耳心即魯衛易箚莫親臨穴莫際寓辭西風
揮此哀淚嗚呼哀哉尚享

祭東萊先生文

辛弃疾

某官天資之美道學之粹操存之既固而充養之至
一私欲未萌於心極萬變不足以移其至故不力而

聖宋名賢五百家播芳大全文粹

卷一百三十四

二十七

宋集珍
本叢刊

勇甚和而毅派愛憎以無迹更毀譽而一致宜君
蓋信其賢而同異者莫待覩其際也任重道遠發軔
早歲遺外形骸輟寢忘寐事物之來若未始經吾意
迨夫審是決疑則精微正大中在物之理而盡處物
之義私淑諸人固已設料不拒聞者心醉道者志得
抑將使羣才並用而衆志咸遂也乃若生長見聞人
物門地高文大冊博覽羣記雖皆過絕於人而之蓋
其餘事厥今上承伊洛遠沂洙泗食曰朱張東萊屹

鼎立於一世學者有宗聖傳不墜又皆齒壯而力強
夫何南軒亡而公病廢王方付公以斯文謂用究其
猶未傳聞有疹士夫增氣忽反袂以相吊驚鄰傳於
殄瘁嗚呼善考之不完德業之未試室無人而子幼
何福善而如是然而天所早與者其得抑多矣又奚
有於喬松之年趙孟之貴某半世傾風同朝託契嘗
從遊於南軒蓋公於而敬畏茲物論之共愜寧有懷
於私惠絨沈辭於千里寓哀情於一酹尚享

聖宋名賢五百家播芳大全文粹

卷一百三十四

二十八

宋集珍
本叢刊

祭東萊先生文

葉適

語何必深論不欲極使人心而有止則雖言而寧默
緬道術其難知超聖賢之獨得雖經籍之具存蓋不
存之莫測昔余之於公也年有長少之序輩有後先
之隔每將言而輟止意遲遲而太息今余之於公也
喪前路之鄉導廢旁觀之軌則縱欲言而誰聞限冥
冥而不白人才芳薤合世道芳開塞彼倉蒼之古凶
竟無所考考余亦安能至此而不惑也紹興以來聞